

آبونه شرائطی

داخلی ، خارجی هر یک ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخہ می ۵۰ غروش]

سنه لکی ۵۲ نسخہ در .

ادارہ خانہ

باب عالی جادہ سندہ دائرہ مخصوصہ

اخطارات

آبونه بدلی پشیندر

مسندک موافق آثار مع الممنونہ
قبول اولنور ، درج ایدلہ
یازیلر اعادہ اولونماز .

الکشاف

نمبر ۱۰۰۰

دینی ، فلسفی ، علمی ، ادبی ہفتہ لق مجموعہ اسلامیہ در

صاحب و مدیر مسئول

باش محرر

امیرف ادیب

محمد عاکف

واللہ یرہدی من یشاء الی صراط مستقیم

اتبعون اہدکم سبیل الرشاد

عدد : ۳۷۴

۱۰ محرم ۱۳۳۷

پنجشنبہ

۱۷ تشرین اول ۱۳۳۴

جلد ۱۵

اخطارات

آدرس تبدیلیندہ آریچہ بش

غروش کوندرملیدور

مکوبلرک امضالری واضح

وارقوناقلی اولسی و آبونہ صرہ

نومبروسی محتوی بولنسی لازمدر

ممالک اجنبیہ ایچون آبونہ

اولانلرینک آدرسلرینک فرانسیزہ

چہدہ یازلمسی رجا اولنور

بارہ کوندرلدیکی زمان نہ بدائر

اولدیغزک واضحاً بیلدیرلمسی رجا

اولنور .

صحت اسانیدنده شک وارد ر .

شیمدی یا لکیز ، مسئله ده قیاس ایله عمل ایدیلوب ده صلاة ، صوم ، صدقه ، عتق کی حقن ده صحیح نصیر بولنان عبادات حقن ده کی حکمک قرائت قرآن ده تسمیل اولنه بیلوب اولنه مامسی جهتی قالیور . بنجه بونده هیچ بریاس یوقدر . بر آدمک مال و سائر سنی غیره هبه ایتمسی ممکن اولدقدن صکره قرآن اوقویان کیمسه نك نوابی امواته هبه ایتمسه مانع نه کی بر حال تصور اولنه بیلیر ؟ باخصوص که ابن عباسک روایت ایتدیکی حدیث (ج) ده والدہ سنی طرفدن اوروج طوتوب طوته میه جنی بولنده کی سؤالنه رسالت بناء (صلعم) افندیز قیاس استعمال ایتک صورتیله جواب ویرمشدر .

برده بروفضیله طاندروایت ایدیلن ضعیف حدیثله عمل اولنه جنی مقررات شرعیه جمله سندندر . قرائت قرآن حقن ده ایسه اسانیدی شرائط صحتی حائز اولما قله برابر ، یوقاریده ذکر ایدلدیکی وجهله بر طاقم معروف حدیثلر وارد ر .

بعض کیمسلر ثوابک میته واصل اولیه جنی بولنده کی ادعایلرینی « اذامات الانسان اتباع عمله الامن ثلث صدقة جاریه او علم ینفع به او ولد صالح بدعوله » حدیث شریفی سند اتخاذا ایدیورلر . یا لکیز بولر دوشونمورلر که انسان اولدکدن صوکره شو اوج شیدن بشقه سنی و عمل ذاتینک منقطع اولمه سیله دیکرلرینک ایشلیه جکلری اعمال صالحه و دعوات خیریه نك کندینه واصل اولمامسی آری آری شیردر . حدیثک ایکنجی شقنه تعلق ایدن هیچ برجهتی یوقدر .

« وان لیس للانسان الامانی » آیت کریمه سنه کلنجه ، علمانک بوبابده فکرلری بوودیکر بر قاچ آیتک ، سنت و اجماع ایله تخصص ایتش برر عام اولدقلری مرکزنده اولدیغنی یوقاریده بیان ایتشدک . آیتک توجهنه عانددها بر طاقم وجهلر سرد ایدلش اولوب بولردن بر وجهی بن حقیقه بککیر ، تقدیر ایدرم . وجه شودر : موضوع بحث اولان آیت ارسیت طرفنده کی « و ابراهیم الذی وفی الاثر و ازره و زر اخری » آیتک سیاقه نظراً ابراهیم علیه السلامک شریعتنه خاصدر . بناء علیه شریعت محمدیه ده نص اوله ماز ، و شریعتلر آیرلدیغنی ایچون بو مسئله ده سنت محمدیه ایله ثابت اولان حکم ایله آیت مبحوئه آرمسنده منافات اوله جنی ادعا ایدیلر .

عبدالعزیز چاویش

شئون

دارالخلافه :

مجلس ملینک کشادی . — تشرین اولاک اوننجی پنجشنبه کونی مجلس ملی ذات حضرت پادشاهینک حضورهایونلریله کشاد اولوندی . نطق هایون صدراعظم پاشا طرفدن قرائت ایدیلدی . بعده ذات

حضرت پادشاهی کرسی ریاستی تشریف بویوردیلر . شاهانه بروقار ایله قلب هایونلرندن کان کورومتین برسسله آئیده کی عبارته تحلیفه بی اوقودیلر :

« شرع شریف وقانون اساسی احکامنه رعایت و وطن و ملتہ صداقت ایدم حکمه والله . »

بعده پادشاهمز اقدیمز حضرتلری حضارکده بوکله لرله قسمی تکرار ایتلرینی طلب و تکلیف بویورملری اوزرینه بوتون مبعوثان و اعیان ده هب بردن « والله ، والله ... » دیه قسم شاهانه یه اشتراک ایتشلردر . بو صورتله کرک ذات شاهانه ، کرک مبعوثان و اعیان مشترکاً درت شیده : ۱ . (شرع شریفه ، ۲) قانون اساسی احکامنه رعایت ، ۳ . وطنه ، ۴ . ملتہ صداقت ایدم جکلرینه یمین ایتش اولدیلر .

بعده صدراعظم پاشا طرفدن مبعوثان و اعیانک قانون اساسیده مندرج شکل و صورت اوزر ده رسم تحلیفلری آریجه اجرا ایدلشد .

ذات شاهانه نك مفارقتلرینی متعاقب مجلس مبعوثان عقد اجتماع ایدرک رئیس انتخابنه باشلانمشدر . ۱۳۱ کیشی رأیه اشتراک ایتش ، ۷۰ رأی ایله منتشا مبعوثی خلیل بک رئیس انتخاب اولنمشدر . مجلس اعیانده احمد رضا بکک تعیینلرینه اراده سنیه شرفصاندر اولمشدر .

نطق هایون

« محترم اعیان و مبعوثان

« برادر مکرم خاقان منفور سلطان محمدخان خامس حضرتلرینک » ۳۰ توموز ۱۳۳۴ تاریخنده وقوع ارتحالی اوزرینه بالارث والاستحقاق « مقام سلطنت و خلافتی اشغال ایتدم و مجلس مبعوثانک اعتمادینی حائز » اولان حکومتی ابقا و اصدار ایدلکم خط هایوننده امنیت و وفاق ، « اتحاد داخلینک تأسیس و ادامه سنی و بک اوزون سورن حربک ، « تأثیرات کونا کونندن مضطرب اولان ملتکم اضطراباتنک تهوینی ، « و اعاشه خصوصتک و وظیفه لرینی قهرمانانه بر صورتده ایضا ایتکده ، « اولان اردولرکم احتیاجاتنک تنظیم و تطمینینی و شرفلی بر صلح بولنک ، « تحریر سنی امر ایتدم . اوزون حرب سنه لرینک رهگذار مساعیمزه ، « بیغدینی مشکلاتک ازاله سیله مشغول و بوخونین و هولانک مجادله نك ، « نهایتنه سلاحلر من المزمده متین و ساکن منتظر بولوندیغمز بر صبر ده ، « بالقان جهه سنک دشمنلر طرفدن یارلمسینی و بالنتیجه بلغارستانده تحصیل ، « ایدن هیجان بلغار حکومتی منفرد بر صلح عقدینه اجبار ایتدی ، « بر طرفدن وضعیت جدیدنک استلزام ایتدیکی تدابیر سریعه عسکریه یه ، « در حال مباشرت ایدیلرک متفق اردولر بالقانلره ورود و حکومتده ، « بملاکتک اسباب مدافعه سنی تأمین ایدم جک تدابیر توصل ایلمش ،

صوك واك موثوق حوادثى آلىق اوزره كندىلرينه مراجعت ايلدك. آندىغىز معلوماتدن كچن هفته برنبذه بحث ايتمشدك. بوهفته دهها دهها زياده تفصيلات وريورز .

مشاراليك افاداتنه كوره كويته انكليزلره قارشى حركت ايدن شيخ جابر اولمايوب برادري سالم بن مبارك الصباحدر . چونكه جابر وفات ايتش ، يرينه برادري سالم كچمشدر . بوذات صوك درجه ديندار، غيرتلى برمسلماندر، حيتلى برعثمانليدر. شيخ مبارك عائلهسى ايجنده عثمانليده قارشى صميميت و محبتيله معروفدر. انكليزلر، مشاراليك قصرينى تحت ترصده آلهرق كويت ايله قسيم آره سنده كي بوتون مواصلة يوللارنى قطع ايله دكاري حالده ينه امير مشاراليه بويوك ثبات كوستر مشلر، ذيه قدر متانتلرين خلل كتيده مشلردر . كندىلري خاق آره سنده فوق العاده بويوك برنفوذى حازدرلر. انكليزلر بوني بيلدكاري ايجون خلغه تشبث ايدمديلر . يوقسه چوقدن خلغ ايدرلردى . زيرا بيلدورلر كه بويله بر تشبث اورانك خلقي بوتون بوتون آياقلانديره جقدر. كربلا ونجفده مكرراً وقوع بولان اختلاللر كويته [۱] تكررينه سبيت و يرمه مك ايجون بويله بر تشبثه اجتناسار ايدميورلر .

امير مشاراليه عربستانك صادق اميرلر يله تأسيس مناسبات ايدرك انكليزلره قارشى بويوك بر قوت حاضر لاقيله مشغولدرلر .

ذاتاً ديكر عرب امراي ده تملكك عظمتنى ادراك ايدرك انكليز استيلاسه قارشى چاره لر تجريسنه باشلامش ، آرالنده كي رقابت وعداوتلري وفاق واتحاده تهديل ايدر اولمشلردر . بوامرا ايجنده اك زياده تلاشه دوشن امير ابن السعود حضر تلريدر. انكليزلرك صوك ايكي سنه ظرفنده عراقده كي حركتلري امير مشاراليه تدهيش ايتمشدر . انكليزلر عراقى بنه سدكدن باشقه ياواش ياواش بوتون جزيرة العربيه يايلىق ايسته يورلر . ديكر طرفدن عاصى حسينك « ملك العرب » عنوانى طايقنه رق حرمين قابولرينى انكليزلره آچمى عصيت اسلاميهرينه صوك درجه تاثير ايتمشدر .

بواحوال قارشوسنده نالان ومتنبه اولان امير ابن السعود ياپيدى خطالردن نادم اوله رق ديكر اسلام امراييله توحيد مساعيه قويو- لمشدر . ازجه انكليز انتريقرلر يله آره لرينه تفرقه وفساق دوشن وسه لردن برى حال مخاصمه ده بولونان امير ابن الرشيد ايله باريشمش واونكله اتفاقاً جزيرة العربيه كي دين دشمنلرينه قارشى اعلان جهاد ايتمشدر . بناءً عليه بوكون جزيرة العربيك هر طرفنده بويوك بر فعاليت حكمفرمادر . عربستانك هر گوشه سندن كن بيكلر جهه مهاجرين، اون بيكلر جهه مجاهدين بريده جنوبنده ارتوانيه ده طويلانمقده دزلر . بو مجاهدلرك باشلارنده علامت مخصوصه لر وگردد . اسراك بو وحدت پرورانه حركتى بدويلر اوزرنده بويوك تاثيرلر اجرا ايتمشدر . عاصى حسينك خيالى امراي اسلام اوزرنده هيچ بر تاثير حاصل

[۱] بواختلالر حقنده كلاچك هفته مفصل معلومات ويره جكر .

« وديكر طرفدن آمريقا رئيس جمهورى موسيو ويلسونه حرب »
« عمومينك تسويه قطعيه سنك ومستقبل مناسبات ملك استادكاهى اواق »
« اوزره درميان ايلديكي اساسات دائره سنده صاح مذاكره سنده حاضر »
« اولديغى نر و متفكر منظر فدن بيلد يرلشدر . اتخاذ ايديلن تدابير »
« عسكريه وسياسيه نك نر متفكر منكر ياننده حثيت و شرف نرله مناسب »
« برصالحه ايصال ايله جكندن اميد وار بولونيورم . وطنك بويوك »
« بر قسقى دشمندن تخلص ايدلمش ايسده هنوز بك قيمتلى اقسامى »
« آنك استيلاسى آئنده بولونيور . اردوك قهرمانجه باشلادى »
« ظيفه سنى شرنله خنامه ايرديره جكنه امنيت بر كالدن . جناب حرك »
« جمله نر يفتور وياسدن قورومسنى وتشت واختلافاته ميدان و يرليه رك »
« سز لرده مشكل مساعيكزده موفقت احسان بيورمسنى تمنى ايله »
« مجلس عمومينك اوچنچى دوره تشريعيه سنك بشنچى اجتماعى »
« كشاد ايلرم . »

خط هايون

« وزير معاليه ميرم عزت پاشا »

« طاعت پاشا قابينه سنك وقوع استعفا سنده وسرك دركار اولان »
« اهليت وكفايتكزده بناء مسند صدارت رتبه ساميه رزرات ومشيرو »
« ايله عهده كزه ومشيخت اسلاميه دنخى محكمه تميز شرعيه دائره سى »
« رئيسى صدور دن عمر خلوصى اقتدى عهده سنده توجيه قلنمش و »
« قانون اساسينك يكر مى يدنجى ماده سى موجبجه تشكيل ايلديككز »
« هيئت جديده وكلا تصديقمه اقتران ايتمشدر . درت سنه ي متجاوز »
« زماندن بروكال شدتيله دوام ايدن حرب حاضر ك مملكتمزك »
« تكاملات عموميه سنده وآسايش وانضباطنه ايراث ايلديكي تاثيراتك »
« ازاله سى وصنوف اهلينز آره سنده وفاق ومخادنت صميميه نك »
« تأسيسى اخص مقابدمز اولديغندن بو غايه و وصول ايجون بر »
« طرفدن اجراسنه ابتدار ايلديكمز تشبثات سياسيه نك نتايج حسنه »
« اقترانى اسبابنك استحصاليه و ديكر طرفدن شرع و قانونك »
« حاكميتى تامين ايله امنيت وآسايشك استقرارى واهاليزك اسباب »
« حضور وراحتك استكمالى و اعاشه معاملاتك بلا افاته وقت »
« تنظيميله احتياجات عموميه نك تهويغى ايجون تدابير قويه ومؤثره »
« اتخاذينه صرف مزيد اعتنا قلنمى حيث مسلمه لارندن منتظر در . »
« همان جناب حق مرفق بالخير بيورسون آمين بحره سيدالمرساين . »

۷ محرم سنه ۱۳۳۷ و ۱۴ تشرين اول سنه ۱۳۳۴

جزيرة العرب احوال سياسيه سى

حرب عمومينك بدايتدنبرى مركزى عربستانده بك اساسلى واهميتلى دينى وسياسى بروظيفه ايله موظف اولان و شيمدى يه قدر وظيفه سنى بحق ايفاليدن محترم بوذات ، اون كون قدر اولدار الخلافيه عودت ايتديكي جهته جزيرة العربك احوال سياسيه سى حقنده اك